

ქ. ბათუმის მუნიციპალიტეტის საკრებულოს

დადგენილება №
2019 წლის ---- ივლისი

ქ. ბათუმი

„ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქ. ბათუმის მუნიციპალიტეტის საკრებულო ა დ გ ე ნ ს :

მუხლი 1.

„ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში (გამოქვეყნების წყარო: საქართველოს საკანონმდებლო მაცნე, www.matsne.gov.ge, გამოქვეყნების თარიღი: 21/03/2018 წ., სარეგისტრაციო კოდი: 010320010.35.132.016376) შეტანილ იქნეს ცვლილება და დადგენილების პირველი მუხლით დამტკიცებულ დანართში:

ა) ქალაქ ბათუმის მუნიციპალიტეტის მერიის ქონების და სერვისების მართვის სამსახურის საქალაქო მუნიციპალური სერვისების და ორგანიზაციების კოორდინაციის განყოფილების სათაური ჩამოყალიბდეს შემდეგი რედაქციით:

„სახელშეკრულებო მონიტორინგის, საქალაქო მუნიციპალური სერვისების და ორგანიზაციების კოორდინაციის განყოფილება“;

ბ) ქალაქ ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახურის ქალაქგეგმარებისა და ურბანული პოლიტიკის განყოფილებას დაემატოს შემდეგი რედაქციის 80¹ პუნქტი:

„80 ¹ “	მესამე კატეგორიის უფროსი სპეციალისტი	1	1300“
--------------------	--------------------------------------	---	-------

გ) ჯამი განისაზღვროს - 189 საშტატო ერთეული.

მუხლი 2.

დადგენილება ამოქმედდეს გამოქვეყნებისთანავე.

გ ა ნ მ ა რ ტ ე ბ ი თ ი ბ ა რ ა თ ი

პროექტის სახელწოდება და სათაური

„ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქ. ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში ცვლილების შეტანის შესახებ“ დადგენილების პროექტი

ა) ზოგადი ინფორმაცია პროექტის შესახებ

ა.ა) პროექტის მიღების მიზეზი და მიზანი:

„საჯარო რეესტრის შესახებ“ საქართველოს კანონში განხორციელდა ცვლილებები, კერძოდ, კანონის მე-15^ა მუხლის შესაბამისად, მიწის ნაკვეთის დაყოფის/მიწის ნაკვეთების გაერთიანების რეგისტრაციას სააგენტო ახორციელებს შესაბამისი მუნიციპალიტეტის ორგანოსთან შეთანხმებული მიწის ნაკვეთის დაყოფის/მიწის ნაკვეთების გაერთიანების პროექტის საფუძველზე.

აღნიშნული ცვლილებიდან გამომდინარე, მიწის ნაკვეთის დაყოფა/მიწის ნაკვეთების გაერთიანების თაობაზე განცხადების განხილვა და ადმინისტრაციულ-სამართლებრივი აქტის პროექტის მომზადება უნდა განახორციელოს ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახურმა. მიწის ნაკვეთის დაყოფა/მიწის ნაკვეთების გაერთიანების თაობაზე განცხადებების განხილვა საჭიროებს სპეციალურ ცოდნას და გამოცდილებას გეოინფორმაციული სისტემების მართვის სფეროში. შესაბამისი სპეციალისტი აღნიშნული პროგრამის მეშვეობით განახორციელებს მიწის ნაკვეთების კვლევას და დაადგენს მიწის ნაკვეთის დაყოფა/მიწის ნაკვეთების გაერთიანების კანონთან შესაბამისობის და მიზანშეწონილობის საკითხს.

ყოველივე ზემოაღნიშნულიდან გამომდინარე, „ქალაქ ბათუმის მუნიციპალიტეტის მერიის პოლიტიკური თანამდებობის პირების და პროფესიული საჯარო მოხელეების თანამდებობრივი სარგოების და საშტატო ნუსხის დამტკიცების შესახებ“ ქ. ბათუმის მუნიციპალიტეტის საკრებულოს 2018 წლის 16 მარტის №28 დადგენილებაში ცვლილების შეტანის მიზანია ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახურის ქალაქგეგმარებისა და ურბანული პოლიტიკის განყოფილებაში ერთი საშტატო ერთეულის დამატება.

აღნიშნული ცვლილებით ასევე, ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურის მუნიციპალური ქონების პოლიტიკის და განკარგვის განყოფილების ერთ-ერთი ფუნქცია-მოვალეობა, კერძოდ: სახელშეკრულებო მონიტორინგის უფლებამოსილება გადადის საქალაქო მუნიციპალური სერვისების და ორგანიზაციების კოორდინაციის განყოფილებაში, რაც შემდგომში წარმოდგენილი იქნება სახელშეკრულებო მონიტორინგის, საქალაქო მუნიციპალური სერვისების და ორგანიზაციების კოორდინაციის განყოფილების სახით.

ა.ბ) პროექტის ძირითადი არსი:

დადგენილების პროექტის მიხედვით ხდება ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახურის ქალაქგეგმარებისა და ურბანული პოლიტიკის განყოფილებაში მესამე კატეგორიის უფროსი სპეციალისტის - ერთი საშტატო ერთეულის დამატება.

ხოლო ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურის განყოფილების სახელის ცვლილება.

ბ) პროექტის ფინანსური დასაბუთება

ბ.ა) დადგენილების პროექტის მიღებასთან დაკავშირებით აუცილებელი ხარჯების დაფინანსების წყარო:

დადგენილების მიღებიდან გამომდინარე არ არის საჭირო რაიმე სახის დამატებითი ხარჯის გაწევა.

ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე:

დადგენილების პროექტის მიღება გავლენას მოახდენს ბიუჯეტის საშემოსავლო და ხარჯვით ნაწილს (შტატის დამატების ნაწილში).

ბ.გ) პროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება პროექტის მოქმედება:

დადგენილების პროექტის მიღება გამოიწვევს ფინანსური შედეგების დადგომას იმ პირთათვის, რომელთა მიმართაც ვრცელდება პროექტის მოქმედება.

გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:

დადგენილების პროექტი შესაბამისობაშია უპირატესი იურიდიული ძალის მქონე ნორმატიულ აქტებთან.

დ) პროექტის მომზადების პროცესში მიღებული კონსულტაციები:

სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, სპეციალისტები, რომლებმაც მონაწილეობა მიიღეს პროექტის შემუშავებაში და მათი შეფასება პროექტის მიმართ (ასეთის არსებობის შემთხვევაში):

დადგენილების პროექტის მომზადების პროცესში კონსულტაციები არ მიღებულა.

ე) პროექტის ავტორი:


დადგენილების პროექტის ავტორია ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახური და ქ. ბათუმის მუნიციპალიტეტის მერიის ქონების და სერვისების სამსახური.

ვ) პროექტის ინიციატორი:

დადგენილების პროექტის ინიციატორია ქ. ბათუმის მუნიციპალიტეტის მერი.


ზ) განმარტებითი ხარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის მერიის
ქალაქგანვითარებისა და ურბანული
პოლიტიკის სამსახურის უფროსი



მირიან მეტრეველი

ქ. ბათუმის მუნიციპალიტეტის
მერიის ქონების და სერვისების მართვის
სამსახურის უფროსის მ/შ



დავით კობინაძე